

利津縣志

利津縣志  
39.1  
39.1

利津縣志序

志之名起於班固司馬遷曰書蔡邕曰意華嶠曰典張勃曰銘何法盛曰說諸史並承班氏謂之志江淹有言作史之難無出於志誠以志者憲章之所繫非比紀傳范曄陳壽之徒能爲紀傳而不敢作志况其下焉者乎後世叙地志者轟焉竝起幾於家南董而人馬班瓦缶雷鳴操觚率爾或失之雜或失之俚或失之冗或失之短或好爲剽竊或肆爲詆譏種種疵類誰得無譏若是乎不可輕作者志也顧自荊州華陽纂志而後迄於今茲無一代不有志無一方不有志於以摭聞見備遺忘然則不可不輯者亦志也由前之說將斬乎史氏之志以爲志昔人且其慎其難余何人而敢

利津縣志

序

一

言作志乎由後之說踵方志之成規而爲之補其遺訂其墜余又何敢不輯志乎利津邑志其纂修年代之可稽者自前明萬曆二十七年馮君執中因賈君光大所修之書而增補之康熙癸丑韓君文焜復新之嗣是乾隆戊寅越十二年庚寅劉君文確程君士範皆有續冊光緒庚辰余令茲邑前後相距已百餘年所其間輿地建置職官選舉戶口糧賦學校河渠暨夫忠蓋循良儒林文苑隱逸孝義貞烈之輩可紀者甚繁懼其久而軼也亟事蒐輯閱兩寒暑始稍稍具備其乾隆庚寅以前則取舊志之事與文因革增損之自辛卯之後則續而編之其義例取裁分門析彙大率步趨永清周志及李吳續志修是書雖未藉衆手成之亦必諮長老以

求可信爲卷凡十爲目凡二十四鋟版之需則獨蠲廉不資衆力俟其費足乃付手民夫以憲章攸賴竊自附於作者之林吾則何敢是已非人儆文人相輕之習吾又何敢所以爲此者亦曰存邑中之事實云爾且余撫斯編尤有媿焉津邑自黃河入清一歲數決增培堤堰日從事畚揭間不遑及他務城湮堡圯廟毀壇墜類未能葺治書院經費不充延師長大起誦茲猶有待焉沿河災地疲民轉徙狼狽升斗賑施不足以言振救政要未修茲其大概也區區修志亦復奚補後之君子苟知吾不自慊之心而益其所不逮則於津邑之志庶其有光也夫

光緒九年癸未夏四月知利津縣事武進盛贊熙謹序

例言

論志書者王新城輩率皆以康武功志爲第一

國初以來辭義醱正舉筆不忘勸懲首推陸靈壽志而體例之嚴取法乎上則以爲惟周永清志爲善創焉其書豐贍典博義法悉準龍門李吳續志復爲之斟酌於不易茲數者皆典則所著也利津舊志與地建置祀典田賦等類統謂之志其例蓋本之靈壽亦無可譏顧其間有應加釐正之處今因其舊而修之標題門目竊仿永清非敢曰追步前哲亦惟冀體例不謬云爾

一史記不誌地理十二紀之後即次以表此作史之體非所以概方志也方志以輿地爲主有輿地而後有守土之官暨夫生於

利津縣志

例言

一

是邦之士圖先表後序次昭然續永清志改周志之例誠是也依之

一作圖之法宜開方計里庶紀道途次村落一一了然而明辨不然徒摹繪山水景物爲娛目玩求其廣袤遠近不爽銖寸曷可得乎

一編地理者莫要於沿革舊志粗舉大概傷於太簡今作表體於朝代統部郡縣各項均補其不及其通志諸書所未載者雖未能旁求證據以廓之而於某朝某地想當然而未確者亦不敢臆決致滋舛謬俟再博考續爲增入

一古蹟因舊志僅誌其略經歲久遠耆老散盡其詳靡得而聞已

渠展在縣之北永阜鎮舊時割屬應入縣志茲爲補載

一舊志有八景實爲陋習相沿况邑中之景壯觀殊渺何必斤斤然強湊爲八耶今皆削去

一陸清獻靈壽志盡去寺觀二氏之祠不得攔入義例最嚴康武功志載報本慈德寶意諸寺於建置門尙少精識夫建置者謂應建置者也琳宮梵宇何與焉周永清志禮書詳諸廟祀不載淫祠其寺觀名目但附於輿地門四鄉村鎮古蹟之後縣地之所有建置之所無於義固無害也從之

一舊志陰陽學醫學縣庫預備倉保赤倉養濟院普濟堂演武塲馬廠惠民局巡檢司豐國塲鹽課司甯海塲鹽課司永阜塲鹽

利津縣志

例言

二

課司統附學校之中義殊未協今以巡檢鹽課二司附於縣署後其倉庫等項悉載建置之末或亦春秋歸餘於終之義歟漏澤園義塚舊志列入雜志今並移於建置條內

一叙表之法存其人存其年代而不復綴其事實條緒旣見分明文字亦復節省近志職官選舉表間有註有傳於其人下及略述一二事實者俱非表體蓋卓犖不羣之人已於列傳著之不必以列傳之體行於編年紀數之中也至有舊志失攷及字蹟漫漶不可識者一時艱於諮訪姑從闕略

一職官表中外委把總例居末格惟利津汎外委把總舊志不詳得諸府志而又無抵任年分故附於職官表之末又海防同知

爲郡守之貳已載武定府志而利津係同知駐守之區亦須登記茲用另書之法附於表後凡此皆永清例也

一選舉人材徵辟最古韓志選舉首列徵辟宜也今用表體勢不能以徵辟之士錯處科目之間不得已從永清例而另書於後焉

一封贈年分皆宜分晰品級不可參差惜搜採未備故無能詳焉  
一近日志乘祠祀有志學校有志田賦有志其餘多未搜輯試思一縣之治六房所司甯止此數端而已乎改用六書庶綱目具備卽曰他志所尠而令覽者得以知一邑之政典不亦善乎  
一叙官之賢者曰政略誌其政之及民也故德行文章雖知之而

利津縣志

例言

三

弗載韓劉程三志於訓導曹逢叙其刻木爲親於知縣楊甘雨叙其刻稿直追江西五大家與夫叙縣丞宜兆公之善理琴工吟詩王昇之工書能詩皆爲贅筆其甚者劉志叙訓導劉翼明專述其善草書別無事實夫一草書擅名於政教何與耶於利邑何與耶何其不明於體例也刪之

一舊志知縣劉文確有傳按劉君去思碑所紀善政多端列傳云云自非附會惟志爲劉君所輯不應自爲立傳而操簡者遽爲之紀實無識甚矣故仍存之而著其說

一韓志劉志叙次人物除孝義之外統謂鄉賢但依年分不分品彙簡而不煩法本宜遵惟其人出處異致仕學殊科不得不略

析其目加之品題非故變其例也

一韓志叙選舉於元進士楊世傑稱其自幼聰敏讀書大成事見碑記劉志於進士李捷元稱其學富文長門多中式於拔貢林之幹稱其振興文教多士矜式茲不註於選舉條下而附錄於此又劉志所載鄉賢如李振聲李博無甚事蹟不必專立一傳今附載於其子傳中而著其長亦所以不沒之也又孝義門所書某修十哲某修學棚此宜載於碑陰不宜登諸邑乘至某爲鄉飲耆賓尤不須記不然可紀者將盈篇累幅矣故皆不載一舊志鄉賢中人多有未祀鄉賢者似不若以宦蹟咳之於義較妥茲故更其名目

利津縣志

例言

四

一儒林文苑之著述以發明經傳爲儒林以工詩古文爲文苑如綦澧李源黃維壑李崇照府志俱列文苑而其所著述多涉經書之旨故列入儒林傳若石嶧宮國瑾劉志之鄉賢可歸之隱逸張鳳第府志之隱逸可歸之孝友隆進賢劉德寬陳潔程光前李惇程志之一行可歸之義行因以臆見分別移置之若夫黃克述呂尙健紀恩詩程志之篤行而黃則歸之義行呂與紀則歸之耆壽非於篤行之名必故靳之亦謂人二三輩難占專篇姑附他傳以俟後人取裁已耳

一志家叙孝義列女或一人或數人下往往繫以論斷其例誠佳但今所載孝義甚夥列女數至六百餘人且事多恆見以彼較

此大概無殊故不暇分晰第於篇末統論之非略之也  
一冊內所徵藝文間有關於政教而立言未盡美者亦輒錄之若  
摘瑕索癥苛論前人則吾豈敢  
一風雲月露之章無關風俗政治者概不錄

利津縣志

例言



光緒九年重修利津縣志在事諸人姓名列後

纂修

直隸州用利津縣知縣盛贊熙

江蘇武進縣人

協修

利津縣教

諭張興思

肥城西縣人

利津縣訓

導張洪鈞

淄川縣人

分纂

大挑教

諭余朝棻

濟甯州人原籍浙江鎮海縣壬戌併辛酉舉人

編次

同知用候補知縣利津縣縣

丞周溥

順天大興縣人原籍浙江海甯州

利津縣志

修志姓名

一

督梓

代理利津縣典史胡俊

河南祥符縣人

分理

舉人大挑教諭任魁揚

邑人

廩貢生趙維畚

邑人

廩貢署長清訓導劉義齡

邑人

候選訓導孝廉方正李貽雋

邑人

分校

舉人張維洛

邑人

歲貢生高式銘

邑人

拔貢試用州判趙燮勳 邑人

五品銜附生劉慶驥 邑人

採訪

翰林院待詔附生趙維昀 邑人

附生崔鳳藻 邑人

廩貢生胡雲霄 邑人

廩生郭樟 邑人

廩生李曜東 邑人

廩生紀伸甲 邑人

廩貢生王誦南 邑人

利津縣志

修志姓名

二

附生劉溫玉 邑人

廩生許鳳年 邑人

歲貢生蓋星垣 邑人

增生趙維圻 邑人

附貢生胡雲臺 邑人

廩生崔昂 邑人

監生李邦舉 邑人

廩生韓子齡 邑人

附生李澤宸 邑人

附生蓋其驥 邑人

謄錄

文

童李貽賓

邑人

文

童李揚先

邑人

文

童李澤恒

邑人

文

童李孚恩

邑人

繪圖

李明揚

刻工

英文堂郭英麟

英華堂楊 勛

利津縣志

修志姓名

雅鑑堂楊 潭

利津縣志目錄

第一卷

皇言紀第一

恩澤紀第二

第二卷

輿地圖第一

建置圖第二

第三卷

職官表第一

選舉表第二

利津縣志

目錄

一

第四卷

封蔭表

第五卷

吏書第一

戶書第二

禮書第三

兵書第四

刑書第五

工書第六

第六卷

政略

第七卷

宦蹟列傳第一

忠節列傳第二

儒林列傳第三

文苑列傳第四

第八卷

孝友列傳第一

義行列傳第二

隱逸列傳第三

利津縣志

目錄

仙蹟列傳第四

第九卷

列女列傳

第十卷

雜志

利津縣志卷第一

皇言紀第一

春秋之例首書周王史記以十二本紀冠於十表八書之前漢書以十二紀冠於八表十志之前自後二十一史遞相師效遂成不易之規永清周志棗強任志先紀皇言次紀恩澤洵可謂邑志之弁冕已乃觀方志紀載自地理相次而下若類書然而不先之以紀彼書載王言史錄詔誥謂之何矣然則所爲以綱統目以尊臨卑之義固不可不知者也

御製平定準噶爾告成太學碑文

遼矣山戎薰粥旃裘毳幕之人界以龍沙畜其驪奚雖無恆業厥

利津縣志

皇言紀第一

一

卷一

有分部蓋自元黃剖判萬物芸生東夷西夷各依其地謬舉淳維未爲理據皇古皇紀其見之書史者自周宣太原之伐秦政巨海之築莫不畏其侵軼猾夏是虞自時厥後一二奮發之君慨然思挫其鋒而納之宥然事不中機材不副用加以地遠無定處故嘗勞衆費財十損一得搢紳之儒守和親介胄之士言征伐征伐則民力竭和親則國威喪於是守有四夷羈縻不絕地不可耕民不可臣之言興矣然此以論漢唐宋明之中夏而非謂我皇清之中夏也皇清荷天之寵興東海撫華區有元之裔久屬版章歲朝貢從征狩執役惟謹準噶爾厄魯特者本有元之臣僕判出據西海終明世爲邊患至噶爾丹而稍疆吞噬鄰蕃闌入北塞我皇祖

三臨朔漠用大破其師元惡伏冥誅脅從遠遯跡毋俾遺種於我喀爾喀厥姪策妄阿拉布坦收其遺孽僅保伊犁故嘗索取地無敢不供逮夫部落滋聚乃以計襲哈密入西藏準夷之勢於是而復張兩朝命將問罪雖屢獲捷而庚戌之役逆子噶爾丹策楞能用其父舊人乘我師怠掠畜於巴里坤擣營於和卜多於是而準夷之勢大張然地既險遠主客異焉此勞往而無利彼亦如之故額爾德尼招之敗彼亦以彼貪利而深入也皇考謂我武既揚不可以既允其請和以息我衆予小子敬奉先志無越思焉既而噶爾丹策楞死子策妄多爾濟那木札爾暴殘喇嘛達爾濟篡奪之達瓦齊又篡奪喇嘛達爾濟而酗酒虐下尤甚焉癸酉冬都爾

利津縣志

皇言紀第一

二

卷一

伯特台吉策楞等率數萬人來歸越明年秋輝特台吉阿睦爾撒納和碩特台吉班珠爾又率數萬人來歸朕謂來者不可以不撫而撫之莫若因其地其俗而善循之且毋令滋方來之患於我喀爾喀也於是議進兩路之師問彼罪魁安我新附凡運餉籌馱長行利戰之事悉備議之始熟經於庚戌之艱者咸懼蹈轍惟大學士忠勇公傅恆見與朕同而新附諸台吉則求之甚力朕謂犁庭掃穴即不敢必然喀爾喀之地必不可以久居若爾人毋甯用其鋒而觀厥成即不如志亦非所悔也故凡禡旗命將之典概未舉行亦云偏師嘗試爲之耳塞上用兵必以秋而阿睦爾撒納瑪木特請以春月欲乘彼馬未肥則不能遯朕謂其言良當遂從之北

路以二月丙辰西路以二月巳巳各啟行哈密瀚海向無雨今春  
乃大雨咸以爲時雨之師入賊境凡所過之鄂拓克攜羊酒糗糒  
迎恐後五月乙亥至伊犁亦如之達瓦齊於格登山麓結營以待  
兵近萬我兩將軍議以兵取則傷彼必衆彼衆皆我衆多傷非所  
以體上慈也丁亥遣阿玉錫等二十五人夜斫營規賊向賊兵大  
潰相蹂躪死者不可勝數來降者七千餘我二十五人無一人受  
傷者達瓦齊以百餘騎竄六月庚戌徇人阿奇穆霍集斯伯克執  
達瓦齊來獻軍門準噶爾平是役也定議不過二人籌事不過一  
年兵行不過五月無亡矢遺鏃之費大勳以集遐壤以定豈人力  
哉天也然天垂祐而授之事機設不奉行之以致坐失者多矣可

利津縣志

皇言紀第一

三

卷一

與樂成不可與謀始亦謂蚩蚩之衆云爾豈其卿大夫之謂既克  
集事則又曰苟知其易將勸爲之夫明於事後必將昧於機先朕  
用是寒心且準噶爾一小部落耳一二有能爲之長而其樹也固  
焉一二暴失德之長而其亡也忽焉朕用是知思武成而勒碑文  
廟例也禮臣以爲請故據實事書之其辭曰茫茫伊犁大幹之西  
匪今伊昔化外羈縻條支之東大宛以南隨畜獵獸蟻聚狼貪乃  
世其惡乃恃其遠或激我攻而乘我緩其計在斯其長可窮止戈  
靖邊化日薰風不侵不拒不來其那欵關求市亦不禁訶始慕希  
珍終居奇貨吏喜無事遷就斯悞漸不可長我豈懼其豈如宋明  
和市之爲卽知其然飭我邊吏弗縱弗嚴示之節制不仁之守再



世斯斬篡奪相仍飄忽荏苒夙沙革面前煎鞏披忱集泮飛鴉食黠  
懷音錫之爵仕榮以華裾膝前面請愿效前驅兵分兩路雪甲霜  
鋒先導中堅如鼉錯攻益以後勁蒙古舊屬八旗子弟其心允篤  
二月卜吉牙旗飄颻我騎斯騰無待折膠泉涌於磧燕萬於路我  
衆懽躍謂有天助匪啻我衆新附亦云黃髮未覩水草富春烏魯  
木齊波羅塔拉台吉宰桑紛紛款納享其肥羊及馬潼酒獻其屠  
耆合掌雙手予有前諭所禁侵凌以茶交易大愉衆情衆情旣愉  
來者日繼蠢達瓦齊擁兵自衛依山據淖惟旦夕延有近萬人其  
心十千勇不目逃掄二十五日阿玉錫率往賊所銜枚夜襲直上  
其郭揮矛拍馬大聲疾呼彼人旣離我志斯合突將無前縱橫鞏

利津縣志

皇言紀第一

四

卷一

駱案角鹿埵隴種東籠自相狼籍孰敢撓鋒狐竄鼠逃將往異域  
獬部遮之兇渠斯得露布旣呈告廟受俘凡此歲功荷天之衢在  
古周宣二年乙亥淮夷是平常武詩載越我皇祖征噶爾丹命將  
禡旗亦乙亥年旣符歲德允協師貞兵不血刃漠無王庭昔時準  
夷弗恭弗諱今隨師行爲師候尉昔時準夷日戰夜征今也偃臥  
知樂人生曰匪準夷曰我臣僕自今伊始安爾游牧爾牧爾耕爾  
長孫子曰無向非豈有今是兩朝志竟億載基成側席不遑保泰  
持盈

右碑在學宮末書乾隆二十年歲次乙亥夏五月之吉御筆

附大元皇帝聖旨碑

蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也朕纂承丕緒敬仰休風循治世之良規舉追封之盛典加號大成至聖文宣王遣使闕里祀以太牢於戲父子之親君臣之義永惟聖教之尊天地之大日月之明奚罄名言之妙尙資神化祚我皇元主者施行

右碑在學宮首書上天眷命皇帝聖旨末書大德十一年七月十九日其文刊於張起巖所撰碑文之上

志曰是碑誌武烈於告成表威化於服遠王制所謂天子出征執有罪反釋奠於學以訊馘告是也金石銘庸淋漓刻畫迄今手摩

利津縣志

皇言紀第一

五

卷一

而讀之文字完好非若其魚維鯁貫之維柳句有缺焉前志遺之何歟爰弁其端以光志乘大元御碑贊揚聖道義實堂皇竝書於簡

恩澤紀第二

聖祖仁皇帝康熙三年大旱成災四年奉旨蠲免糧租

二十九年奉旨蠲免糧租

世宗憲皇帝雍正八年大清河溢田禾被水成災奉旨發倉賑濟

高宗純皇帝乾隆十三年正月望字犯太陰奉恩旨蠲免田租

二十四年海水漫溢漂沒田禾廬舍奉旨賑卹蠲免田租

三十年霪雨成災奉旨賑濟

三十一年大水田畝被淹奉旨賑濟

仁宗睿皇帝嘉慶八年黃水漫溢成災奉旨賑卹

二十三年潮淹地畝奉旨賑一月口糧

利津縣志

恩澤紀第二

一

卷一

二十四年黃水漫溢淹稼奉旨賑卹蠲免錢糧

宣宗成皇帝道光二十五年海潮漫溢淹稼奉旨賑一月口糧錢

漕並予緩免

二十六年二十七年二十八年二十九年秋禾被水成災奉旨緩

徵

文宗顯皇帝咸豐元年奉恩旨建元普免道光三十年以前緩徵

民欠錢糧

元年二年三年四年秋禾被水歉收奉旨緩徵

五年大清河黃水漫溢淹沒田禾奉旨賑濟豁免錢漕

六年七年八年九年十年十一年秋禾被災奉旨緩徵

穆宗毅皇帝同治元年奉恩旨建元普免咸豐九年以前緩徵民欠錢糧

二年三年四年五年六年七年秋禾被災奉旨緩徵

八年以捻逆蕩平被擾較重奉諭旨將同治六年以前民欠錢糧漕倉全行豁免

九年十一年秋禾被災奉旨緩徵

今上御極光緒元年奉恩旨紀元普免同治十年以前緩徵民欠錢糧

二年三年四年五年秋禾被災歉收奉旨緩徵

六年地畝被水衝坍秋禾被旱奉旨緩至次年秋後啓徵

利津縣志

恩澤紀第二

二

卷一

八年秋禾被水損傷詳請緩徵

志曰自古美帝王之治於子惠困窮尤樂述焉然慶賞有蠲災荒有賑未有如我國家聖聖相承流恩布愷者也惜乎自順治以來檔卷多有零失特據其可知者恭紀其略於左庶幾於寥寥數則中見熙朝之典云

